

Ինչպէս վերեւ կը տեսնուի Վարդան վրդ. վախճանած է ՌՃԾԳ (=1704)ին (տե՛ս նաեւ Մանանայ, էջ 358), եւ մարմինը թաղուած է Ամրտօլի վանքի եկեղեցիին խորանին առջև, վանքին հիմնադիր Բարսեղ Բաղիշեցիին և իր դաստիարակ նշանաւոր Խաչատուր վրդ.ի գերեզմաններու կողքին:

Անոր տապանագիրն է հետեւեալը.

«Ի տապանի աստ ամփոփի  
Մարմին մաքուր մեծ հռետորի,  
Տեառն Վարդանայ փաղերայի.  
Արի և քաջ վարժապետի,  
Խարազնազգեաց ճգնաւորի,  
Աստուածաբան վարդապետի,  
Որ ի հովտէս այս տրտալի  
Եւ առ Փրկիչն ի յոյսն բնաւի,  
Ի քսաներեք յոբելինի,  
Երեք թուով յաւելորդի  
(ՌՃԾԳ = 1704)

Որ հանդիպիք տուք զողորմի:»

(Անդ. Գիրք Ժ. էջ 82):

ՎԱՐԴԱՆ ՎՐԴ. ԳԱՍՊԱՐԵԱՆ, ՄՈՒՐՏՁԱՅԻ. — Մբ. Ծ. 1871 ին. Զռ. 1898 ին. հսկող ժառ. վարժ.ի (1894—95). Առ. փոխանորդ Պրուսայի 1905 ին, այժմ պաշտօնով կը գտնուի Ամերիկայ:

ՎԱՐԴԱՆ ՎՐԴ. — Մբ. Լս. Ս. Յարութեան Գրիգոր Պարոնտէր պարք.ի ժամանակ:

ՎԱՐԴԱՆ ՎՐԴ. — Մբ. Երուսաղէմի: Յովակիմ պատրիարք զինքը Մովսէս վրդ.ին հետ 1791 ին պատուիրակ կը զրկէ Ռուսաց Կատարինէ կայսրուհիին եւ Վրաց Հերակլ թագաւորին մօտ, օրհնութեան զիրեր եւ ընծաներ մատուցանելու պաշտօնով: Կայսրուհիին կը նուիրէ նաեւ կենաց փայքը պարունակող ոսկի խաչ մը (Ժպե. հատ. Բ. էջ 118):

ՎԱՐԴԱՆ ՎՐԴ. — 1321ին Արևելցի Վարդան պարք.ի օրով, ուխտաւորութեամբ կ'այցելէ Ս. Յակոբի վանքը. ՄՁ. Թ. 939 յիշատակարանին համաձայն. այս ուխտաւորութեան ժամա-